



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Parlamentu Nasionál

06 Novembru 2014

**Komisaun A PN kestiona Kualidade Projetu no Sistema Kontrolu hosi
Ajénsia Dezenvolvimentu Nasionál (ADN)**

Komisaun A Parlamentu ne'ebé trata ba asuntu Konstituisaun, Justisa no Administrasaun Públika kestiona kualidade projetu infrastrutura inklui sistema kontrolu hosi Ajénsia Dezenvolvimentu Nasionál (ADN) iha ezekusaun orsamentu 2014. Kestaun ne'e hato'o hosi Komisaun A, iha 5 Novembru 2014 iha sala Konferensia PN, durante audiénsia ho ekipa Gabinete Primeiru Ministru, Gabinete Viseprimeiru Ministru, Sekretáriu Estadu ba Asuntu Parlamentár, Koordinadór Jerál ba Asuntu Sosiedade Sivil, Komisaun Nasionál ba Aprovizionamentu, ADN no Inspetória Jerál.

“JSMP konsidera kestaun ne'ebé Komisaun A PN foti ne'e iha relevánsia no refléta duni ba situasaun lubuk ida ne'ebé kontinua sai problema esensiál ba povu sira iha terrenu. Tanbá ne'e hanoïn katak governu liuliu ba ADN presiza duni tau konsiderasaun atu bele hadi'a jestaun no mekanizmu kontrolu hodi asegura kualidade ba projetu hirak ne'ebé projeta ona iha kada orsamentu anuál,” hateten Diretór Interinu JSMP, Casimiro dos Santos.

Kestaun hirak ne'ebé Komisaun A apresenta ne'e bazeia fiskalizaun ne'ebé halo hatudu katak iha projetu balun la tuir estandarizasaun ba projetu normál inklui la tuir montante orsamentu ne'ebé Parlamentu aprova. Situasaun ne'e halo empregáriu balun lamenta tanbá hetan diminuisaun orsamentu ne'ebé la ekuilíbriu ho presu sasan iha terrenu ne'ebé prezudika projetu balun sai laiha kualidade.

JSMP observa katak maioria membru Komisaun A preukupa mós kona-ba la duun iha mekanizmu kontrolu ne'ebé másimu hosi ADN. Kestaun menus rekursu umanu liuliu enjeneiru sira iha implementasaun projetu ne'ebé responsabiliza hosi

empresáriu sira, ne'ebé projetu barak sei kontinua la iha kualidade. Tanba ne'e, Komisaun A rekomenda ba ADN atu kontinua halo rekrutamentu ba enjeneiru tantu ba timor-oan no estranjeiru.

Parte seluk, Komisaun A mós kestiona kona-ba kolaborasaun servisu entre Inspeória Jerál ho Provedoria Direitu Umanu no Justisa (PDHJ) no Komisaun Anti-Korrupsaun (KAK) no progresu ne'ebé Inspeória Jerál atinje ona.

Relasiona ho kestaun ne'e, Diretór Inspeória Jeral, Francisco de Carvalho afirma katak Inspeória Jeral hala'o funsaun ba prevensaun korrupsaun no garante boa-governasaun iha governu intermude liña ministeriál hotu ne'ebé espesífiku ba investigasaun, administrasaun no apresenta relatóriu ba iha Primeiru Ministru. Maibé bainhira hetan indísiu ba korrupsaun ruma maka sei apresenta keixa ba iha KAK no Ministériu Públiku.

Atu hetan informasaun kle'an liután favór kontaktu:

Casimiro dos Santos

Diretór Interino JSMP

E-mail: santos.cas76@gmail.com

info@jsmp.minihub.org

Telefone: +670 3323883 | +670 77257466

Website: www.jsmp.tl

Facebook: www.facebook.com/timorleste.jsmp

Twitter: @JSMPtl